



59784

Mag. St. Dr.

P

Feol. 4284

Radzki Joannis: Quaestio theologiae de lumine
gloriae.



In Nomine Domini Amen.

QVÆSTIO
THEOLOGICA
DE ^{59784-III}
LVMINE GLORIÆ,
Ex i. parte Summæ Th. S. THOMÆ
Doct̃oris Angelici.



A

M. I O A N N E
R A D Z K I,
S. Theologiæ Professore, Ecclesiæ Ca-
thedralis Cracouiensis Canonico,
Collegiatarum SS. Omnium Præposito,
S. Georgij Custode, & Curzelouiensi
Scholastico, S. R. M. S.

PVBLICE AD DISPVTANDVM
Pro Loco inter Sacræ Theologiæ
Doctores & Professores obtinendo.

P R O P O S I T A.

Anno Humanæ Salutis, 1679.]

Lectorio DD. Theologorum.

Die vs Mense Octob. Hora 14

PERMISSU SUPERIORUM.

CRACOVIÆ, Typis VNIVERSITATIS.

QVÆSTIO THEOLOGICA, DE LVMINE GLORIÆ.

Vtrum Lumen Gloriæ habitualiter corroborans intellectum creatū ad videndam sicuti est Dei essentiam, ita in Entitate sua; sit necessarium Beatīs? vt absq; illo, nullatenus possit fieri Visio Beatifica, tā in actu productis, quàm in de possibili producibilibus creaturis? nec ne?

C O N C L U S I O I.

Lumen gloriæ est qualitas habitualiter corroborans intellectus creatos beatorum in Patria.

C O R O L L A R I A.

I. Quamuis pro statu hoc sufficiat Viatoribus lumen naturaliter intellectus creati ad cognoscenda objecta naturalia abstractiue, tamen ad cognoscendum Obiectum supernaturale non sufficit, maxime ad intuitiuam cognitionem.

II. Sicut natura non deficiens in necessarijs naturaliter intelligentiam primorum principiorum quoad speculabilia, & Synderesim quoad practicabilia infudit hominibus: ita ultimatè infundet quiddam aliud supernaturale, ex Hypothesi decreta beatificationis hominum.

III. Lumen gloriæ, licet ex mente aliquorum Sanctorum Patrum videretur debere dici obiectiuale, tamen post Concilij Vniuersalis in Gallia contra Beguardos & Beguinas decretum, subiectiuale in intellectu creato tenendum est.

IV. Hoc lumen cum sit Ens creatum, non motio quedam extrinseca actualis Dei, sed verius qualitas habitualis, intellectui beatorum quasi connaturaliter immanens, esse; rectè dicitur à Theologis.

V. Supposita ex mente Philosophorum aliquali beatitudine & naturaliter assequibili à felici Cræso vel Epicurro v.g. in ordine ad supernaturalem beatitudinem, verè & de facto obtinendā, homo ex puris suis naturalibus, remotè duntaxat & non proxime beatificabilis appellari posset.

C O N C L U S I O II.

Multipliciter contingit posse videri Deum ab hominibus: ad videndam tamen Dei essentiam sicuti est, omninò necessarium erit, aliquid aliud incorporeum; quod pro hoc statu nec oculus vidit, nec auris audiuit, nec in cor hominis ascendit iuxta scripturas Canonicas.

C O R R O L L A R I A.

I. Nihil infra Deum potest hominem obiective acquietare ita ut satiet eius appetitum, sublata tendentiâ in plus ultra appetibile.

II. Licet naturaliter desideret homo felix & beatus esse, seu vere, seu apparenter, ad hoc tamen desiderium consummandum sine speciali auxilio Dei pertingere nequit.

III. Temerarium est asserere, quasi intellectus creatus merè passivè se habeat ad eliciendam visionem beatificam ob superadditum sibi lumen gloriae.

IV. Si ex Hypothesi daretur aliqua species Deitatis impressa, intellectui beatorum, hæc nunquam posset representare Deum sicuti est in Hypothesi scripturarum.

V. Hinc videre Deum facie ad faciem; non oculis corporeis, sed intellectui, nec omnibus promiscuè, sed solis perfectè beatis, in Patria datur: an autem Paulo in raptu, aut Moyse in alloquio Dei concessum fuerit? (ut aiunt per modum transeuntis) problema esto.

C O N C L U S I O III.

Tàm Angeli beati, quàm homines, iuxta mensuram meritorum accipientes lumen gloriae; defacto sic eleuati perfruuntur visione beatifica, prout ordinario modo Deus creaturas gubernare decreuit.

C O R R O L L A R I A.

I. Certum est Angelos ut potè intelligentias separatas à materia, perfectius cognoscere Deum: attamen etiam ipsi ex puris suis naturalibus visionem beatificam ne utiquam consecuti sunt.

II. Licet de potentia absoluta non implicet per concursum specialem Dei posse beatificari sanctos, conformius tamen rectè rationi asseritur infusum eis lumen quoddam esse, seu principium Quo, in actu primo intellectus creatus completur ad eliciendū actū beatificū.

III. Deus gloriosus uti Ens infinitum simpliciter, beatus est naturaliter per essentiam suam: sed Angeli & homines uti sunt Entia per participationem, ita beati evadere possunt per gratiam uti pius & semen gloriae.

IV. Incipit quidem homo viator, per multas operationes liberas pro hoc statu beari, sed in patria, uno actu, forsitan circa unum obiectum interrupto, beatitudinem suam perficiet ex probabiliore sententia.

V. Quia species rerum sunt sicut numeri, idcirco gubernatio creaturarum non postulat ut in eis Deus omnia faciat optima, secundum possibilitatem, sed sufficit ut faciat bona iuxta proportionem decreti ordinis uniuersi.

CONCLUSIO IV.

Etiam de possibili nulla pura creatura producibilis est à Deo talis, cui deberet esse connaturale lumen gloriæ.

COROLLARIA.

I. Data quauis multitudine creaturarum in infinitum multiplicabili, repugnat tamen peruenire ad ultimam simpliciter dabilem, ita ut eam maiorem aliquam speciem, vel passiuam potentiam rerum, vel actiuam Creatoris quasi exhausta, nequeat producere.

II. Rectè producibilitatem accidentium supernaturalium, Theologi admittunt; substantiam tamen supernaturalem quidditatiuè, merito negant, posse produci.


III. Connaturalitas perfectionum in creaturis, ordinarie petenda est ex debito specifico coordinationis predicamentalis Aristotelicæ, idque non precisè iuxta exigentiam specificam naturarum, sed potius ex libero decreto Creatoris.

IV. Hinc quidquid in naturis creatis à Deo productum cernitur, regulariter eis competit vel ratione Generis sui, vel ratione speciei, vel ratione Differentiæ, vel ratione Proprij, vel ratione Accidentis Porphyriani.

V. Solus Deus gloriosus cum sit Ens necessarium, et extra genus Cathegoriæ cuiusvis: ex vi nature talis, illimitate ei debetur omnis perfectio possibilis. Cui laus et gloria ab omni Creatura in æternum Fiat Fiat.



Sub Felicibus Auspicijs
Magnifici Perillustri et Admodum Rndi Domini,
D. ALBERTI DABROWSKI,
S: Th. Doctoris ac Professoris, Decani S. Floriani, Senioris Patris,
& Generalis Studij Academiae Cracoviensis
R E C T O R I S Vigilantissimi.



Biblioteka Jagiellońska



stdr0017743

